



第七〇冊

四庫全書

●上海古籍出版社

本冊目次

毛詩草木鳥獸蟲魚疏	吳陸璣撰……………一
陸氏詩疏廣要	吳陸璣撰……………二三
毛詩指說	明毛晉廣要……………一六九
詩本義	唐成伯瑛撰……………一八九
附鄭氏詩譜	宋歐陽修撰……………一八一
蘇氏詩集傳	宋蘇轍撰……………三一一
毛詩名物解	宋蔡卞撰……………五三五

欽定四庫全書

經部
毛詩草木鳥獸蟲魚疏卷上

詳校官監察御史臣左周

通政使司副使臣莫瞻菴覆勘

總校官降調編修臣倉聖脉

校對官學正臣翁樹棠

謄錄監生臣韓桂

欽定四庫全書

經部三

毛詩草木鳥獸蟲魚疏 詩類

提要

臣等謹案毛詩草木鳥獸蟲魚疏二卷吳陸

璣撰明北監本詩正義全部所引皆作陸璣

考隋書經籍志毛詩草木蟲魚疏二卷注云

烏程令吳郡陸璣撰陸德明經典釋文序錄

陸璣毛詩草木鳥獸蟲魚疏二卷注云字元

欽定四庫全書

毛詩草木鳥獸蟲魚疏

恪吳郡人吳太子中庶子烏程令唐書藝文

志亦作陸璣則監本為悞又毛晉津逮秘書

所刻援陳振孫之言謂其書引爾雅郭璞注

當在郭後未必吳人因而題曰唐陸璣夫唐

代之書隋志烏能著錄且書中所引爾雅注

僅及漢捷為文學樊光實無一字涉郭璞不

知陳氏何以云然姚士舜跋已辨之或晉未

見士舜跋歟原本久佚此本不知何人所輯

大抵從詩正義中錄出然正義衛風淇澳篇引陸璣疏淇澳二水名今本乃無此條知由採摭未周故有所漏非璣之舊帙矣又衛風猗桐梓漆一條稱今雲南猗町人績以為布考漢書地理志益州郡有雲南縣後漢書郡國志永昌郡有雲南縣皆一邑之名唐書地理志姚州雲南郡武德四年以滇雲南縣地置蓋至是始升為大郡而袁滋雲南記實潯雲南別錄諸書作馬璣在三國即以雲南配猗町似乎諸家傳寫又有所窺亂非盡原文然勘驗諸書所引一一符合要非依託之本也未附載四詩源流四篇而毛詩特詳考王柏詩疑已訖璣所載與經典釋文不合王應麟困學紀聞亦議其誤以曾申為申公則宋本已有之非後人所附益矣燕魚草木今昔異名年代迢遙傳疑彌甚璣去古未遠所言

猶不甚失真詩正義全用其說陳啟源作毛詩稽古編其駁正諸家亦多以璣說為據講多識之學者固當以此為最古焉乾隆四十六年九月恭校上

總纂官臣紀昀臣陸錫熊臣孫士毅
總校官臣陸費墀

欽定四庫全書

毛詩草木鳥獸蟲魚疏卷上

吳陸璣撰

方秉蘭令

蘭即蘭香草也春秋傳曰刈蘭而卒楚辭云紛秋蘭孔

子曰蘭當為王者香草皆是也其莖葉似藥草澤蘭但

廣而長節節中亦高四五尺漢諸池苑及許昌宮中皆

種之可著粉中故天子賜諸侯莖蘭藏衣著書中辟白

魚也

魚也

采采芣苢

芣苢一名馬舄一名車前一名當道喜在牛跡中生故

曰車前當道也今藥中車前子是也幽州人謂之牛舌

草可驚與煮同作茹大滑其子治婦人難產

言采其莖

莖今藥草貝母也其葉如枯樓而細小其子在根下如

芣子正白四方連累相著有分解也

中谷有推

推似桂方莖白華華生節間舊說及魏博士濟陰周元

明皆云菴蘭是也韓詩及三蒼說悉云推益母也故劉

歆曰推與穢即菴蔚也

集子苞杞

杞其樹如樗一名苦杞一名地骨春生作羹茹微苦其

莖似莓子秋熟正赤莖葉及子服之輕身益氣

言采其黃

欽定四庫全書

菁今澤藹也其葉如車前草大其味亦相似徐州廣陵

人食之

薦與女蘿

薦一名寄生葉似當盧子如覆盆子赤黑甜美女蘿今

免然蔓連草上生黃赤如金今合藥免然子是也非松

蘿松蘿自蔓松上生枝正青與免然殊異

有蒲與荷

荷芙蓉江東呼荷其莖茹其葉蓮莖下白弱其花未發

為菡萏已發為芙蕖其實蓮青皮裹白子為的的中
有青長三分如鈎為薏味甚苦故俚語云苦如薏是也
的五月中生生啖脆至秋表皮黑的成食或可磨以為
飯如粟飯輕身益氣令人強健又可為糜幽州揚豫取
備饑年其根為藕幽州謂之光旁為光如牛角

參差荇菜

荇一名接余白莖葉紫赤色正圓徑寸餘浮在水上根
在水底與水深淺等大如釵股上青下白鬻其白莖以
飲定四庫全書
元詩草木鳥獸蟲魚疏
卷上

于以采蘋

蘋今水上浮萍是也其粗大者謂之蘋小者曰萍季春
始生可糝蒸以為茹又可用苦酒淹以就酒

于以采藻

藻水草也生水底有二種其一種葉如雞蘇莖大如箸
長四五尺其一種莖大如釵股葉如蓬蒿謂之聚藻扶
風人謂之藻聚為發聲也此二藻皆可食煮按去腥氣

米麪糝蒸為茹嘉美揚州饑荒可以當穀食饑時蒸而
食之

言采其芣

芣與荇菜相似葉大如手亦圓有肥者著手中滑不得
停莖大如七柄葉可以生食又可鬻滑美江南人謂之
蓴菜或謂之水葵諸陂澤水中皆有

蓴菜蒼蒼

蓴水草也堅實牛食之令牛肥強青徐州人謂之蓴充
飲定四庫全書
元詩草木鳥獸蟲魚疏
卷上

州遼東通語也蓴一名蘆莖一名龍蓴或謂之荻至秋
堅成則謂之荻其初生三月中其心挺出其下本大如
箸上銳而細揚州人謂之馬尾以今語驗之則蘆龍別
草也

蓴竹漪漪

有草似竹高五六尺淇水側人謂之蓴竹也綠竹一草
名其莖葉似竹青綠色高數尺今淇澳傍生此人謂此
為綠竹

茗之華

茗一名陵時一名鼠尾似王芻生下濕水中七八月中華紫似今紫草華可染皂煮以沐髮即黑葉青如藍而

多華

隱有游龍

游龍一名馬蓼葉龐大而赤白色生水澤中高丈餘

食野之草

草葉青白色莖似箸而輕脆始生香可生食又可熟食

欽定四庫全書

毛詩草木蟲魚疏

五

予以采蓼

蓼蒿凡艾白色為皤蒿今白蒿春始生及秋香美可生食又可熟食一名游胡北海人謂之旁勃故大戴禮夏小正傳云蓼游胡游胡旁勃也

菁菁者莪

莪蒿也一名蘿蒿生澤田漸洳之處葉如邪蒿而細科生三月中莖可生食又可熟食香美味頗似薑蒿

言刈其萑

萑萑蒿也其葉似艾白色長數寸高大餘好生水邊及

澤中正月根芽生旁莖正白生食之香而脆美其葉又可蒸為茹

食野之蒿

蒿青蒿也香中炙啖荊豫之間汝南汝陰皆云鼓也

采采卷耳

卷耳一名泉耳一名胡泉一名苓耳葉青白色似胡荽白華細莖蔓生可煮為茹滑而少味四月中生子正如

欽定四庫全書

毛詩草木蟲魚疏

六

婦人耳中瑤今或謂之耳瑤草鄭康成謂是白胡荽幽州人呼為爵耳

贈之以芍藥

芍藥今藥草芍藥無香氣非是也未審今何草司馬相如賦云芍藥之和揚雄賦曰甘甘之和芍藥之美七十食也

采芣采芣

芣芣蒿幽州人或謂之芥菲似菑莖粗葉厚而長有毛

三月中燕鶯為茹甘美可作羹幽州人謂之芬爾雅又謂之蕙菜今河內人謂之宿菜

言采其蕨

蕨也山菜也周泰曰蕨齊魯曰蕨初生似蒜莖紫黑色可食如葵

言采其薇

薇山菜也莖葉皆似小豆蔓生其味亦如小豆藿可作羹亦可生食今官園種之以供宗廟祭祀

欽定四庫全書

毛詩草木鳥獸疏

七

言采其藹

藹一名當幽州人謂之燕藹其根正白可著熱灰中溫噉之饑荒之歲可蒸以禦饑漢祭甘泉或用之其草有兩種葉細而莖亦有臭氣也

薄言采芑

芑菜似苦菜也莖青白色摘其葉白汁出肥可生食亦可蒸為茹青州謂之芑西河雁門芑尤美胡人戀之不出塞

誰謂荼苦

荼苦菜生山田及澤中得霜甜脆而美所謂薑荼如飴內則云濡豚包苦用苦菜是也

飽有苦葉

飽葉少時可為羹又可淹煮極美揚州人食至八月葉即苦故曰苦葉

芣有苢苢

苢苢饒也幽州人謂之翹饒生莖如勞豆而細葉似蒺藜而青其莖葉綠色可生食如小豆藿也

欽定四庫全書

毛詩草木鳥獸疏

八

言采其藟

藟莖大如箸赤節節一葉似柳葉厚而長有毛刺令人縲以取藟緒其味酢而滑始生可以為羹又可生食五方通謂之酸迷冀州人謂之乾絳河汾之間謂之藟

莫莫葛藟

藟一名巨菰似燕藟亦延蔓生葉如艾白色其子亦可食酢而不美幽州謂之推藟

視爾如菰

菰一名芡菜一名荆葵似蕪菁華紫綠色可食微苦

北山有菜

菜草名其葉可食今兗州人蒸以為茹謂之菜蒸

取蕭祭脂

蕭荻今人所謂荻蒿者是也或云牛尾蒿似白蒿白葉

荻麓科生多者數十莖可作燭有香氣故祭祀以脂蕪

之為香許慎以為艾蒿非也郊特牲云既蕪然後蕪蕭

欽定四庫全書

毛詩草木鳥獸蟲魚疏

凡

合馨香是也

白茅包之

白茅包之茅之白者古用包裹禮物以充祭祀縮酒用

可以漚紵

紵亦麻也科生數十莖宿根在地中至春自生不歲種

也荆揚之間一歲三收一作刈今官園種之歲再割割便

生剥之以錢若竹刮其表厚皮自脫但得其裏韌如筋

者煮之用緝謂之微紵今南越紵布皆用此麻

印有音鵲

鵲五色作綬文故曰綬草

南山有臺

臺夫須臾說夫須莎草也可為簾笠都人士云臺笠緇

撮或云臺草有皮堅細滑緻可為簾笠南山多有

茹蕪在阪

茹蕪茅菴精草也一名地血齊人謂之菴徐州人謂之

牛蔓今圃人或作畦種時故貨殖傳云厄菴千石亦比

欽定四庫全書

毛詩草木鳥獸蟲魚疏

十

千乘之家

白華管兮

管似茅而滑澤無毛根下五寸中有白粉者柔韌宜為

索漚及曝尤善也

菰蔓于野

菰似栝樓葉盛而細其子正黑如蕪莫不可食也幽州

人謂之烏服其莖葉煮以哺牛除熱

匪我伊蒨

蔚牡蒿也三月始生七月華華似胡麻而紫赤八月為角角似小豆角銳而長一名馬新蒿

隰有萋萋

萋萋今羊桃是也葉長而狹華紫赤色其枝莖弱過一尺列蔓于草上今人以為汲灌重而善沒不如楊柳也近下根刀切其皮著熱灰中脫之可韜筆管

芄蘭之支

芄蘭一名蘿摩幽州謂之雀瓢柔弱恒蔓于地有所依欽定四庫全書

緣則起

浸彼芭秔

秔童梁禾秀為穗而不成前歲然謂之童梁今人謂之宿田翁或謂宿田也甫田云不秔不秀外傳曰馬籟不遇秔秀皆是也

言采其遂

遂牛薊揚州人謂之羊蹄似蘆服而莖赤可淪為茹滑而美也多啖令人下氣幽州人謂之遂

梓椅梧桐

梓者揪之疏理白色而生子者為梓梓實桐皮曰椅今人云梧桐也則大類同而小別也桐有青桐白桐赤桐白桐宜琴瑟今雲南祥柯人績以為布似毛布

有條有梅

條槁也今山揪也亦如下田揪耳皮葉白色亦白材理好宜為車板能濕又可為棺木宜陽共北山多有之梅樹皮葉似豫章葉大如牛耳一頭尖赤心華赤黃子青欽定四庫全書

不可食柟葉大可三四葉一葉木理細緻于豫章子赤者材堅子白者材脆荊州人曰梅終南及新城上庸皆多樟柟終南與上庸新城通故亦有柟也

北山有梗

梗揪屬其樹葉木理如揪山揪之異者今人謂之苦揪濕時脫燥時堅今永昌又謂鼠梓漢人謂之梗

常棣

常棣許慎曰白棣樹也如李而小如櫻桃正白今官園

種之又有赤椶樹亦似白椶葉如刺榆葉而微圓子正赤如郁李而小五月始熟自關西天水隴西多有之

爰有樹檀

檀木皮正青滑澤與繫迷相似又似駸馬駸馬梓榆其樹皮青白駸駸遙視似馬故為之駸馬故里語曰斫檀不諦得繫迷繫迷尚可得駸馬繫迷一名挈盤故齊人諺曰上山斫檀挈盤先彈下章云山有苞椶隰有樹椶皆山隰木相配不宜謂歎

欽定四庫全書

九詩草木鳥獸部

十一

柞械拔夫

柞械三蒼說械即柞也其材理全白無赤心者為白械直理易破可為犢車軸又可為矛戟鐵

隰有杞夷

椶葉如柞皮薄而白其樹理赤者為赤椶一名械白者為椶其木皆堅韌今人以為車較

北山有柎

柎椶也葉似杏而尖白色皮正赤為木少曲少直枝葉

茂好二月中葉疏華如棟而細蓋正白蓋此樹今官園種之正名曰萬歲既取名于億萬其葉又好故種其汲山中人或謂之牛筋或謂之椶材可為弓弩輪也

其灌其柎

柎椶葉如榆也木理堅韌而亦可為車轆

其檀其椶

檀河柳生水旁皮正赤如絳一名兩師枝葉如松椶櫟節中腫以扶老今靈壽是也今人以為馬鞭及杖弘農欽定四庫全書

毛詩草木鳥獸部

十四

共北山甚有之

山有樞

樞其針刺如柘其葉如榆淪為茹美滑于白榆榆之類有十種葉皆相似皮及木理異爾

山有栲

栲葉似櫟木皮厚數寸可為車輻或謂之栲櫟許慎正以栲讀為換今人言栲失其聲耳

集于苞櫟

棚今柞櫟也徐州謂櫟為杼或謂之為棚其子為皂或言皂丰其殼為汁可以染皂今京洛及河內多言杼丰或言櫟丰謂櫟為杼五方通語也

無浸獲新

獲今柳榆也其葉如榆其皮堅韌剝之長數尺可為絙索又可為甌帶其材可為杯器

集于苞杞

杞柳屬也生水傍樹如柳葉麗而白色木理微赤故今

欽定四庫全書

毛詩草木鳥獸疏

十五

人以為車轂今共北淇水傍魯國泰山汶水邊純杞也

其下維穀

穀幽州人謂之穀桑或曰楮桑荆楊文廣謂之穀中州人謂之楮殷中宗時桑穀共生是也今江南人續其皮以為布又檣以為紙謂之穀皮紙長數丈潔白光輝其裏甚好其葉初生可以為茹

榛櫟濟濟

櫟其形似荆而赤莖似著上黨人織以為丰筥箱器又

揉以為釵故上黨人調問婦人欲買櫟不曰竈下自有黃土問買釵不曰山中自有櫟

楊之水不流束蒲

蒲柳有兩種皮正青者曰小楊其一種皮紅正白者曰大楊其葉皆長廣似柳葉皆可以為箭幹故春秋傳曰董澤之蒲可勝既乎今人又以為箕籬之楊也

蔽芾其樗

山樗與下田樗畧無異葉似差狹耳吳人以其葉為茗

欽定四庫全書

毛詩草木鳥獸疏

十六

椒聊之實

椒聊聊語助也椒樹似茱萸有針刺莖葉堅而滑澤蜀人作茶吳人作茗皆合煮其葉以為香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香東海諸島上亦有椒樹枝葉皆相似子長而不圓甚香其味似橘皮島上麋鹿食此椒葉其肉自然作椒橘香也

山有苞櫟

苞櫟秦人謂柞為櫟河內人謂木蓼為櫟椒櫟之屬也其子房生為椶木蓼子亦房生

食鬱及蓂

鬱其樹高五六尺其實大如李色赤食之甘

樹之椶栗

椶栗屬有兩種其一種之皮葉皆如栗其子小形似行子味亦如栗所謂樹之椶栗者也其一種枝葉如木蓼生高丈餘作胡桃味遠東上黨皆饒山有椶之椶枝葉

欽定四庫全書

卷上 植物考 木部 櫟類 櫟

上

似栗樹子似橡子味似栗枝莖可以為燭五方皆有栗周秦吳揚特饒吳越被城表裏皆栗唯漁陽范陽栗甜美長味他方者悉不及也倭韓國諸島上栗大如雞子亦短味不美桂陽有華栗叢生大如杆子中仁皮子形色與栗無異也但差小耳又有臭栗皆與栗同子圓而細或云即華也今此惟江湖有之又有芽栗佳栗其實更小而木與栗不殊但春生夏花秋實冬枯為異耳

櫟有梅

梅杏類也樹及葉皆如杏而黑耳曝乾為腊置羹臠登中又可含以香口

蔽蒂甘棠

甘棠今棠藜一名杜藜赤棠也與白棠同耳但子有赤白美惡子白色為白棠甘棠也少酢滑美赤棠子澁而酢無味俗語云濕如杜是也赤棠木理韌亦可以作弓幹

唐棣之華

欽定四庫全書

卷上 植物考 木部 梨類 梨

上

唐棣真李也一名雀梅亦曰車下李所在山中皆有其花或白或赤六月中成實大如李子可食

隔有樹槎

槎一名赤蘿一名山梨今人謂之楊槎其實如梨但實甘小異耳一名鹿梨一名鼠梨齊郡廣饒縣堯山魯國河內共北山中有令人亦種之極有脆美者亦如梨之美者

北山有枸

枸樹山木其狀如櫨一名枸骨高大如白楊所在山中皆有理白可為函板枝柯不直子著枝端大如指長數寸噉之甘美如飴八九月熟江南特美今官園種之謂之木蜜古語云枳枸來巢言其味甘故飛鳥慕而巢之本從南方來能令酒味薄若以為屋柱則一屋之酒皆薄

顏如舜華

舜一名木槿一名櫨一名曰檉齊魯之間謂之王燕今欽定四庫全書

毛詩草木鳥獸疏卷上

十九

朝生暮落者是也五月始花故月令仲夏木槿榮

采荼薪樗

樗樹及皮皆似漆青色耳其葉臭

維筍及蒲

筍竹萌也皆四月生唯巴竹筍八月九月生始出地長數寸鬻以苦酒豉汁浸之可以就酒及食

毛詩草木鳥獸疏卷上

欽定四庫全書

毛詩草木鳥獸疏卷下

吳陸璣撰

鳳皇于飛

鳳雄曰鳳雌曰皇其雛為鶯鶯或曰鳳皇一名鸞非梧桐不棲非竹實不食

鶴鳴于九臯

鶴形狀大如鸞長三尺脚青黑高三尺餘赤頂赤目喙欽定四庫全書

毛詩草木鳥獸疏卷下

長四寸餘多純白亦有蒼色蒼色者人謂之赤頰常夜半鳴淮南子亦云雞知將旦鶴知夜半其鳴高亮聞八九里雌者聲差下今吳人園囿中及士大夫家皆養之雞鳴時亦鳴

鸛鳴于垤

鸛鸛雀也似鴻而大長頸赤喙白身黑尾翅樹上作巢大如車輪卵如三升杯望見人按其子令伏徑舍去一名負釜一名黑尻一名背竈一名皂裙又泥其巢一傍

為池含水滿之取魚置池中稍稍以食其雛若殺其子則一村致旱災

歛彼晨風

晨風一名鷗似鷗青黃色燕頤鈎喙嚮風搖翅乃因風飛急疾擊鳩鷓鴣燕雀食之

歛彼飛隼

隼鷗屬也齊人謂之擊征擊一作鷗或謂之題肩肩一作肩或謂

之雀鷹春化為布殺者是也此屬數種皆為隼

欽定四庫全書

毛詩草木鳥獸蟲魚疏

二

有隼維鷗

鷗微小于翟也走而且鳴曰鷗鷗其尾長肉甚美故林慮山下人語曰四足之美有燕兩足之美有鷗庶者似鹿而小

闕闕雉鳩

雉鳩大小如鳩深目目上骨露出幽州人謂之鷗

鳴鳩在桑

鳴鳩鷗鷓鴣今梁宋之間謂布殺為鷗鷓一名擊殺一名

桑鳩按鷗鷓鴣有均一之德飼其子旦從上而下暮從下而上平均如一

究彼鳴鳩

鳴鳩今雲南鳥大如鳩而黃啼鳴相呼不同集謂金鳥或云黃當為鳩聲轉故名移也又云鳴鳩一名爽又云是鷗

翩翩者鷗

鷗其今小鷗也一名鷗鷗幽州人或謂之鷗鷗梁宋之

欽定四庫全書

毛詩草木鳥獸蟲魚疏

三

間謂之鷗揚州人亦然

卷令在原

卷令大如鷗雀長腳長尾尖喙背上青灰色腹下白頸下黑如連錢故杜陽人謂之連錢

黃鳥于飛

黃鳥黃鷗鷓鴣也或謂之黃栗留幽州人謂之黃鷗或謂之黃鳥一名倉庚一名商庚一名鷗黃一名楚雀齊人謂之搏黍闕西謂之黃鳥當甚熟時來在桑間故里語

曰黃栗留看我麥黃甚熟亦是應節越時之鳥或謂之黃袍

鷓鴣

鷓鴣似黃雀而小其喙尖如錐取茅莠為巢以麻紮之如刺機然縣著樹枝或一房或二房幽州人謂之鷓鴣或曰巧婦或曰女匠開東謂之工雀或謂之過羸關西謂之桑飛或謂之穉雀或曰巧女

交交桑扈

欽定四庫全書

毛詩草木鳥獸蟲魚疏
卷下

四

桑扈青雀也好竊人脯肉脂及膏故曰竊脂

肇允彼桃蟲

桃蟲今鷓鴣是也微小于黃雀其雛化而為鵬故俗語鷓鴣生鵬

振鷺于飛

鷺水鳥也好而潔白故謂之白鳥齊魯之間謂之春鉏遼東樂浪吳揚人皆謂之白鷺大小如鷓青脚高尺七八寸尾如鷹尾喙長三寸所頭上有毛十數枚長尺餘

耗耗然與衆毛異甚好將欲取魚時則弭之今吳人亦養鳥好羣飛鳴楚威王時有朱鷺合沓飛翔而來舞則復有赤者舊鼓吹朱鷺曲是也然則鳥名白鷺赤者少耳此舞所持持其白羽也

維鷦在梁

鷦水鳥形如鷄而極大喙長尺餘直而廣口中正亦領下胡大如數升囊好羣飛若小澤中有魚便羣共打水滿其胡而棄之令水竭盡魚在陸地乃共食之故曰淘

欽定四庫全書

毛詩草木鳥獸蟲魚疏
卷下

五

河

鴻飛遵渚

鴻鵠羽毛光澤純白似鶴而大長頸肉美如鴈又有小鴻大小如鳧色亦白今人直謂鴻也

弋鳧與雁

鳧大小如鴨青色卑脚短喙水鳥之謹顧者也

肅肅鵠羽

鵠鳥似雁而虎文連蹄性不樹止樹止則為苦故以喻